



**Christophori || Helvici || In Academia Giessena Quondam  
Do-||ctoris & Professoris, Theologi, Philo-||sophi, Historici,  
Chronologi, Philologi || laudatissimi, Libri || Didactici,||  
Grammaticæ || ...**

**Helwig, Christoph**

**Giessae, 1619**

Illvstrissimo Et Celsissimo Principi Ac Domino, Dn. Georgio, Hassiæ  
Landgravio, Comiti In Catzenelenbogen, Dietz, Ziegenhain Et Nidda &c.  
Domino nostro Clementissimo.

---

[urn:nbn:de:hbz:466:1-70031](https://nbn-resolving.org/urn:nbn:de:hbz:466:1-70031)



ILLVSTRISSIMO ET CELSISSIMO  
PRINCIPI AC DOMINO,

DN. GEORGIO,  
HASSIÆ LANDGRAVIO, COMITI IN  
CATZENELNBOGEN, DIETZ, ZIEGEN-  
HAIN ET NIDDA &c.

Domino nostro Clementissimo.

**I**n docendis literis haud postremum Pruden-  
tia officium est, Illustrissime & Celsissime  
Princeps, certum tenere ordinem, qui ad  
Sapientiae arcem contendentibus cursum di-  
rigat, quò & rectà & absq; viarum dispendio ad scopum  
suum perventant. Quo in genere videmus hodiè non pa-  
rùm opera posuisse multos eosq; præstantissimos viros, qui  
tùm in linguis tùm in aliis sive artibus sive scientiis metho-  
dum certatim & enixè excoluerunt. Quibus omnibus in-  
ter æquos rerum aestimatores sua constat laus, & immor-

X 2

rale

## EPISTOLA

tale nominis decus ob præclaram de studiosa iuventute bene  
 merendi voluntatem & promptitudinem. *In primis ve- N*  
*rò hoc seculum sibi quasi proprium id vendicare videtur,*  
 quo conspiciamus multos brevi compendio adjutos in literis  
 ad tantum Eruditionis fastigium ascendere, ut literatissi-  
 mum quodq; seculum si non superent, certè quàm proximè  
 videantur abesse. Atq; ut de Hebræa lingua dicamus, ec-  
 quis non intelligit eam brevi temporis spatio adeò feliciter  
 excultam, quantum inter Christianos aliàs nunquam.

Quæ res sensus nostros paulò altiùs abducere debet ad  
 divinam providentiam, quàm mirum in modum ita guber-  
 nari illa cognoscimus, ut cum accensa & per Dei gratiam  
 luculènter inter nos splendente doctrinæ Evangelicæ lam-  
 pade, linguarum studium post fœdissimam barbariem unà  
 emergere, & incrementum sumere magis magisq; potue-  
 rit. Neq; verò silentio prætereunda nobis est immortalis  
 gloria, quam Illustrissima & laudatissima vestra familia,  
 utriusq;, Evangelii pariter & literarum propagatione  
 jam pridem copiosè promeruit. Nam præterquàm quòd  
 Celsissimus & Clementissimus Princeps ac Dominus, Do-  
 minus Ludovicus, Hassiæ Landgravius, &c. Celsitudi-  
nis

## DEDICATORIA.

nis Vestrae Pater, & Dominus noster Clementissimus, incorruptam divini verbi praedicationem sincero corde amplectatur, constanterq; propugnat, in eo etiam latissime patentem januam ad nominis immortalitatem, Fama aperuit, quod & Academiam Giffanam per singularem DEI gratiam excitavit, & magnificis sumptibus juxta ac amplissimis Privilegiis clementissime instruxit. In qua etiam nostro respectivè Marito ac Parenti D. Christophoro Helvico honorificum Professoris locum concessit. Et cum superioribus annis in vulgus percrebuisse, de nova quadam methodo, brevi compendio docendi linguas, Ipsius Celsitudo eidem negotium hoc dedit, ut de re ista plenius cognosceret, atque suam operam huc conferret, quò Compendia & Lexica, aliaq; huic Didacticae convenientia conficerentur. Quem laborem per se quidem magnum, atque unius hominis viribus propemodum superiorem ille in se, ita ut debuit, libentissime suscepit, certò sibi persuasum habens, studium hoc suum cessurum unicè in Dei gloriam, totiasq; Reipublicae literariae emolumentum longè maximum; tametsi Lexica & alia quaedam, quae in hunc usum animo moliebatur, non potuit, morte praeventus, ad umbi-

## EPISTOLA

licum perducere. Quamobrem, cum Compendia hæc Didactica auspiciis & sumptibus haudquaquam exiguis Illustrissimi Vestrae Celsitudinis Domini Parentis eoque sint perfecta, atque ab Autore elaborata, ut publicè possint communicari cum Scholis, quarum salutem illi unam sibi habuit in exantlando immenso hoc labore, propositam; æquissimum nos facere arbitrati sumus, si ad ejus Illustrissimam Celsitudinem, cujus autoritate opus hoc esset susceptum, sumptibusq; liberalissimè promotum, primus redundaret fructus. Atque hæc una causa est, quare Tuam Celsitudinem, Illustrissime Princeps, Domine Clementissime, in divulgatione horum Compendiorum appellare visum fuit.

Alteram, eaq; non minus necessariam, ut iisdem sub Illustrissimo Celsitudinis Tuæ Nomine præsidium quaeremus adversus invidiam, & malevolorum hominum calumnias. Cum enim Autor haud parum multa ex antiqua docendi ratione sustulerit, substitutis nobis quibusdam & ad propositum suum magis accommodatis terminis, non dubitamus, quin futuri sint, qui hoc ejus institutum sint vel improbaturi, vel palam etiam reprehensuri, ita ut fieri  
plerunq;

## DEDICATORIA.

pterung, solet, ut ea quae à vulgaribus recedunt, vario hominum iudicio atque sermoni sint exposita. Quamquam & hunc fructum nobis videmur ex hac dedicatione consecuturi, ut si videant scholae Patriae Illustriss. Tuae Celsitudini libros hos cura esse, eosdem diligentius sibi habeant commendatos. Atque ita labor ille suum obtinebit finem, gloriam Dei, & Patriae utilitatem, ad quam promovendam cum omnes homines ex aequo sunt obligati, tum inprimis Principes, quorum hoc officium est, ut Ecclesiae & Scholarum curam agant.

Omninò igitur confidimus, Tuam Celsitudinem hanc nostram humilimam dedicationem clementissimo vultu esse suscepturam. Id quod devoto pectore obnixè petimus.

Deum autem oramus, ut, quam ille lucem singulari providentia nobis accendit in addiscendis bonis artibus & linguis, eam porrò ad amplificandam Sacrosancti sui Nominis gloriam inter nos conservet, gratiamq; largiatur, qua sanctissima ipsius dona debita animorum gratitudine veneremur atque exosculemur. Idem Celsitudinem Tuam totamq; Illustrissimam ac laudatissimam Hassorum familiam quam diutissimè sospitet incolumem, quo omnes boni

compo-

EPIST. DEDICAT.

completo stant voti atque uberrimæ spei, quam Illustrissi-  
ma Tua Celsitudo universæ Patriæ de se jam concitavit.  
Vale Inchyte Princeps, in magnum Patriæ commodum,  
& nos humilimos clientes clementissimo tuo Patrocinio  
dedignare. Giessa, Idibus Martii, Anno millesimo sex-  
centesimo decimo nono.

Celsitudinẽ Vestram

humilimè colentes

D. Christoph. Helvici  
Vidua & Liberi.

DELL.